

百三十卷

藝文二詩

浮石

宋蘇軾

集晚鴉村村烟火梵王家幽人自種千頭菊遠客來尋百結花浮石已乾霜後水蕉溪閒
前茶不如一夢歸南去翠竹江村遠白沙

過訪田氏園林不遇

前人

坐行來問渺茫兩邊楊柳夾池塘鳳凰來遠梧桐樹爭奈梧桐避鳳凰

八桂分香

戴翼

桂叢生列檻前屹如八桂上擎天瑤花簌簌交相映金粟層層各闢妍北轉瓊霜凝兔魄西排丹
注龍涎高攀咫尺雲梯近元凱登庸拔茹連

庭松垂露

陳鳳

旭日臺前瑞氣浮如飴沆瀣洒松楸山城無事放衙早田野汙萊爲國憂南埜至今思茂宰東門無

復說賢侯茲辰涓滴如涪水猶似停雲涕泗流

行經南康

白玉蟾

鏡中雙鬢已非鴉身在江湖心在家道路飄零如柳絮山川迤邐近梅花客行有債頻沽酒老怕無眠戒飲茶昨夜夢歸滄海上釣竿橫插岸邊沙

雞山獨秀

明朱祥輝

雞峯千仞枕蓉江髣髴蓬壺接大荒東渡日來龍出早南山桐老鳳鳴陽伏潭相望雙溪合章水橫流一派長終古浮雲能蔽日看渠依舊祇蒼蒼

龜池春漲

王綸

半畝方塘一鏡空許多石磴六街東卷舒雲月涵泓外變化魚龍蕩漾中雨後漚添浮藻綠風來點濕落花紅臨流欲把塵纓濯清比滄浪恐未同

庭松垂露

前人

松偃庭空月色寒數枝垂滴露溥溥金陵染帛翻成翠漢苑承珠枉用盤秋白巖凝光自潤曉紅沉

溼氣初乾明時得此真嘉瑞寄語金吾莫放觀

八桂分香

前人

香徹亭除影淡橫叢叢八桂列分明月來似見霓裳舞風動如聞藥杵聲天上吳剛原負謫人間寶
禹浪成名高攀見說丹梯在聽取窗前問墨卿

桃水流香

前人

撲撲香流片片紅天台疑在此溪中一枝兩枝寒食雨千朵萬朵石龍風掩映蒸霞幾昏曉飄搖丹
粉自西東相看莫謝人爭賞花樣年來漸不同

鑿岩分翠

前人

劈破雲根徑入迷紅塵分隔斷前溪山空月浸琉璃冷地僻人驚翡翠啼松竹同遮風氣薄薜蘿
遶野雲低塞聲欲寄征鴻少衡嶽遙連庾嶺西

題芙蓉文筆

黃通

文人日暮看芙蓉湘水西來第幾峯兔穎刺天無屬我今爲松菊主人翁

蘇步名坊

張弼

東坡過此偶行行此地還留蘇步名何事章惇瘞毛骨子孫羞認是先塋

蘇步坊

卓光輝

坡老當年嶺外行稜稜氣節塞蒼旻先聲已繫人心慕到處流傳蘇步名

騰龍結瑞

劉節

天矯山蟠結飛騰勢若龍夜光貪月射朝氣愛雲從文運禎祥兆英賢靈秀鍾清風祠李相亭宇倚
龍巖

飛鳳攬輝

前人

爲愛山如鳳翱翔千仞巔彩雲扶翼起朝日振毛鮮百鳥隨羣岫碧梧棲紫煙德輝如可攬千載照
猶川

南山聳秀

前人

江北山多秀江南秀更奇羣峯侵漢拔孤塔鎖烟危筆聳詞峰銳屏開錦帳垂我慚韓吏部一掃萬

言詩

猶石通川

前人

誰以猶名石鴻龐直到今泉流穿密竅雲出度輕陰川水漪漪下春波泯泯深朝宗東萬里天激遠
臣心

異嶂騰光

前人

巽嶺開平嶂猶川此叶祥棘闌秋振奮屏石早輝光氣毓真才出文符泰運昌青雲諸俊秀從此破
天荒

庚嶺紅梅

前人

嶺頭初放一枝紅玉骨何人奪化工澹著絳桃濃著杏春光散在萬花叢

玉池蓮碧

前人

碧玉蓮花白玉池天仙標格水仙姿章江春水高千尺應與邦人應識詩

靈巖飛瀑

前人

高巖飛霧灑飛泉恍似銀河落九天日對紫峯吟秀句詩才李白是天仙

橫浦垂虹

前人

長樓百尺水流東日落霞明映彩虹題柱仙郎今已老祇教人頌濟川功

嫦娥秋月

前人

嫦娥高嶂接蟾宮秋色雲開萬里同我愧當年雲步穩桂花先折一枝紅

玉枕春雲

前人

玉峯佳氣鬱葱葱飄飄飄飄滿太空四海從龍足雲雨卷舒無迹亦無功

赤壁僊舟

前人

丹山僊水一僊舟錦纜牙樯載月遊欲起東坡重作賦宛然風景在黃州

金蓮使節

前人

官亭北接帝王州使者傳宣出鳳樓兩度丹山三度節老臣何以報宸旒

東山聳翠

前人

出郭東林翠色多琳宮矗矗隱岩阿當年著屐人何在花雨樓前一笑歌

西華層巒

前人

西嶽峻嶒接絳霄花宮隱約入山椒逢僧一話歸來晚萬壑松風振海潮

秀峯文筆

前人

雲霞燦如箋秀峯銳如筆千古中書君應待詞人出

呂仙丹井

前人

唐家呂進士傳道學神仙仙丹不在井今人空汲泉

蒼龍躍浪

前人

蒼山勢如龍萬鰓湧疊浪春雷送霖雨變化不可狀

南山挹翠

前人

花封倚江城高與南山對秀色從天開千古挹環翠

寶馬騰雲

前人

渥洼產龍馬一日輕千里化作山眠雲雲開馬應起

寶馬騰雲

劉賓

寶馬亭亭立天衢矯首中幾年空齟代何日過崆峒却託雲生足遙看氣吐虹龍媒原有種變化應

華嵩

東渡觀瀾

賴茂顯

縣城東郭芙蓉渡江水茫茫道路長幾度夕陽歸去晚濟川舟楫穩如梁

旭嶺書臺

王弘誨

負郭崇岡此共登東南佳勝擁觚稜山當旭日溪空界人立青雲路幾層望氣幾年逢尹喜傳衣何處訂盧能怪來瑞色銜山鶴已報仙覺自此昇

仙臺觀

吳德基

南康城外仙臺觀曾有仙人此地遊白鶴一雙飛去後至今遺像在丹丘

仙臺觀

解縉

仙臺觀裏仙遊處丹井虹流五夜光正是小春寒雨後倚篷沽酒過南康

洞真觀

王宥

年來無計脫紅塵今日郊原偶出巡才短山靈應笑我秋高風景暗撩人
傍籬野菊含清露近水崖花應小春一夜青氈陪鶴睡却煎詩骨瘦三分

觀荷亭

前人

濯濯孤根托淺濠天生一種奪塵標翠盤弄影迎風軟玉瓣凝香帶露嬌
太乙真人冷骨化凌波仙子縞衣飄花神對面含笑似與先生慰寂寥

登芙蓉江樓

黃廷宣

芙蓉江上重陽日著正高冠省倩人賴去登樓挑客思欲教攜菊接芳辰
簿書不了公家事障海何孤聖代臣秋熱祇今侵病骨也宜風雨一番新

重至南康遇雨

陳洪謨

東風吹雨曉寒輕又上南安路幾程百里山峯時隱見一年春色半晴陰
田家饒沃桑麻盛驛舍蕭

條草樹繁風物滿前吟不盡更收民瘼入官評

潭口松林

徐璉

驛路經潭口叢松遠近林翠浮村郭
暝影入嶺雲深晏歲凌霜液斜陽聚鳥吟
官途增慷慨塵事又關心

南康道中

前人

牛嶺近南荒旬宣野興長穿橋溪水溢
夾路稻花香山靄消風翠松風扇晚涼
征科民業苦時弊更堪傷

東山寺

張弼

望入東山小遙迂江風吹靄引仙裾
詩懷浩蕩難收拾欲向冬青葉上書

鴨子湖

前人

虹光明滅龍珠巷綠水瀾漫鴨子湖
十里麥風迎去旆一亭松影叫醒醐

陳公臺

王貫賢

我生好古恨生遲不見先生佐邑時唯有高臺今尚在悠悠長繫後人思

孝子石

鄧本元

宋相半危神石墮孟姜一哭長城傾也知雷震妖狸火天爲流傳孝子名

資聖寺

前人

城北琳宮梵宇多閒尋曲巷轉委蛇醉翁有句無題處蘇步橋頭自笑歌

旭山

張弼

九日山前十月遊黃花紅葉正空秋雖然未遂山翁醉也向禪林捧茗甌

題萬安寺宋僧遺身

丁珪

嘉定年間已涅槃至今還似舊時顏循環天運心無慮更變桑田事不干野鶴孤雲千古夢清風明月一般閒世人若問何蹤跡竺國西頭是寶山

遊南林祖印禪寺

唐承寵

萬山深處湧香流隨喜登臨祇樹幽掃却虎巢矜鉢水關將龍谷顯曇丘錦屏峰聳溪空界玉几巒

橫石點頭自是劈開天上鏡人工豈羨五丁僮

訪南林獬紘禪師兼呈前遊寺記

董琪

不虛夢想過南林繫馬松陰認徑深貼水荷香新夏事入雲客子舊時心塵言終愧山中記祖印因追悟後尋更喜今朝酬友約疎鐘又借護幽吟

東山曉鐘

孫寶

風送鐘聲出巽山漸開曙色滿人間居民蚤作從茲始耕鑿生涯豈等閒

北河漁唱

前人

謾展絲綸釣北河清風明月每相過醉來獨倚孤篷唱任爾波濤日幾多

梅僊丹竈

前人

知幾避世有梅仙修煉深藏不計年留取靈光瀾四境猶民仁壽樂堯天

李相公亭

楊輝

賢相何年過上猶孤忠元不爲官謀夜來獨上高亭望正氣堂堂貫斗牛

南溪晚渡

吳鎬

清溪一帶抱官衙
溪勢紆回石角斜
水漲客連洲外艇
夕陽人簇渡頭沙
路通南粵晴穿樹
水落東吳暖泛花
煙柳依依隔兩岸
殘霞影裏噪棲鴉

西嶺樵歌

前人

翠岑深在白雲中
西去迢迢一徑通
千竈取薪資燎爨
侵晨裹飯走樵童
擔頭歸興背斜日
谷口歌聲動晚風
最是俚言關世道
太平治化二難同

南安府部紀事

府志唐堯時舜攝位命禹敷土東匯澤爲彭蠡
山海經曰贛水出聶都東北流注於江入彭澤
敬王時越滅吳取吳所取故楚地史記正義曰
袁吉虔撫並越西境屬越也

顯王時越伐楚楚子熊商大敗越盡取故吳地
通考曰戰國時揚州屬楚秦始皇三十三年適
遣戍五嶺廣州記云五嶺者大庾等五嶺立橫
浦關按南康記云南野大嶺三十里至橫浦有
秦始

關

二世元年使趙陀踰五嶺安百粵

漢高祖元年粵將軍梅鋗帥將駐兵梅嶺後漢王南海尉陀移檄告橫浦自立爲南粵武王

文帝詔南粵王治嶺南通使

武帝建元六年遣大行王恢出豫章討閩粵兵未踰嶺降兵罷

元鼎四年南越相呂嘉使人函封漢使節制塞上史記索隱曰南康記云大庾嶺名塞上 五年

上封都尉楊僕爲樓船將軍出豫章下橫浦時僕裨將庾勝於嶺下築城是年樓船將軍僕願擊東
粵上不許留屯豫章梅嶺待命 六年餘善聞樓船兵留境遂發兵入梅嶺殺三校尉天子遣中

尉王溫舒出梅嶺東粵

光武帝建武十八年拜馬援伏波將軍督樓船將軍段志擊賊出嶠南

順帝永和三年議遣荆揚四萬兵赴象林中郎李固議止之

靈帝建寧二年遷陳番家屬於北景舊志陳氏徙時道橫浦復被害收骨骸合爲一大塚

獻帝建安三年分豫章爲廬陵郡

三國吳赤烏六年鄱陽民吳遽攻沒豫章廬陵並應之

晉元帝建武元年鎮武將軍周魴討賊杜弢自豫章至南康南康太守虞潭擊走之

安帝義熙六年十月盧循寇南康諸郡陷之

齊世祖永明元年發南康廬陵始興郡兵征交州

六年交州刺史房法乘爲部曲所襲與疾至

大庾嶺

梁武帝太清元年陳霸先自廣州還至大庾以爲交州司馬三年冬南康王會理總兵入援蔡路養據南康郡是年十一月陳霸先遣杜僧明周文育與蔡路養戰於大庾嶺復戰於南野大敗之

簡文帝大寶元年正月陳霸先發自始興次大庾嶺大破蔡路養軍霸先進頓南康高州刺史

李遷仕及劉孝尚襲南康陳霸先令杜僧明周文育拒之

敬帝太平二年二月蕭勃舉兵自廣州度嶺頓南康至於豫章

隋文帝開皇十年詔裴矩巡撫嶺南矩行至南康得兵數千人遂度嶺王仲宣立九柵屯大庾嶺矩進擊破之

古今圖書集成
煬帝大業十二年十二月鄱陽民林士弘起兵自九江至番禺皆有之僭號改元

唐高祖武德七年以南康大都督府兼統領外端封隴龍威齊等十一州

太宗貞觀二年以本州屬江南道

四年以李靖爲上柱國安撫嶺南兵度大庾嶺後靖北旋道

經庾庾人德而祠之

元宗開元四年冬十一月詔左拾遺內供奉張九齡開大庾嶺

二十一年分本州爲江南西道

置採訪使以賢刺史領之

二十二年表天下名山大川本州山表大庾水表贛水

肅宗至德二年二月江西採訪使皇甫先道永王璣戰於大庾嶺

宣宗大中時以周墀爲江西觀察使寇至州墀討平之

江西觀察使鄭憲爲亂軍所逐是年湖

南嶺南並亂鄭畋請以嶺南鹽市處吉米贍安南兵

懿宗咸通五年楊收請命江西積粟募兵應嶺南尋罷

僖宗乾符五年黃巢陷虔吉饒信等州復自南海踰嶺再犯江浙

廣明元年鎮海節度高駢請自將萬人由大庾嶺趣擊黃巢